



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Computo Ecclesiastico. IV.

**urn:nbn:de:hbz:466:1-40233**

18 Comm. in Rubr. Breuiarij.

1 Accusat Typographorum incutiam , & aliorum audaciam , qui Breuiarium à Pio V. editum deprauarunt.

2 Significat se ideò commissione peritis viris eiusdem Breuiarij recognitionem.

3 Prohibet , ne in Urbe imprimitur , nisi in Vaticano ; extra Urbem , iuxta exemplar Vaticanum , & de licentia Inquisitorum , vel Ordinariorum , impositis poenis spiritualibus , & pecuniariis ; aliterque in posterum impressa Breuiaria interdicit , ac prohibet .

4 Inquisitores & Ordinarios poenis infictis instruit , qua ratione approbare debeant impressa .

5 Tolerat in gratia pauperum Clericorum impressa Breuiaria ante eiusdem recognitionem quoad usum , & , ut vendi queant , indulget .

6 Publicationem Bullæ mandat cum solitis derogationibus , & clausulis .

7 Urbanus III. Pontifex Maximus , adhibitis alijs peritissimis viris (& me minimo inter eos , qui & adfui Clementinae recognitioni ) eadem se prosecutum esse asserit quæ prædecessores inchoauerant : significat deinde ea quæ acta sunt in Breuiario nuper immè recognito : prohibet , instruit , tolerat , ut supra num. 3.4.5. edita Bulla initio Breuiarij posita .

8 Certè ad hanc usque diem Breuiarium non est editum tot numeris absolutum .

*De Computo Ecclesiastico.*

C A P. I V.

1 **A**gitur initio Breuiarij de anno & eius partibus , de Quatuor Temporibus , de nuptiarum tempore , de Cyclo decennouennali , de Epactis , de Nouilunijis , de Indictione , de Festis mobilibus , ad-

Sect. II. Cap. III. & IV.

ditis Tabellis , perpetua & temporalia , antiqua & noua , reformatis , quantum satis esse videtur pro captu communiorum ingeniorum . Plura qui desiderat , legat Guliel. Durandum in suo Ration. dñi. Offic. lib. 8. toto .

2 Ea sunt præcipue notatu dignæ ad annum Bissextilem formandum spectant : nam singulis quaternis annis constituitur dies in mense Februario , qui dicitur compositus ex 24. horis , itempe sex cuiuslibet annorum quatuor . Excipe ( quod pauci nortunt ) primum , secundum & tertium centesimum annum , qui occurunt intra spatiū quadringentorum annorum , ut exp̄l̄s̄ habetur in Bulla Gregorij XIII. de Reformatione Calendarij edita anno 1582. Quare , sicut annus proximè præteritus 1600. fuit Bissextilis , ita erit etiam Bissextilis annus 2000. qui verò sunt mediij 1700. 1800. 1900. non erunt Bissextilis , ne redeat annorum confusio .

3 De Quatuor Temporibus agimus in Proprio de Tempore .

4 Pascha celebrari debet in die Dominico qui proximè succedit decimaquartæ Lunæ primi mensis , id est Martij ; ita tamen , ut si decimaquarta Luna cadit in Dominicum diem , Pascha nostrum celebretur in sequenti Dominico die , ne conueniamus cum Hebrais .

5 Constituto Paschatis die facilè decernuntur Festa mobilia ; ita dicta , quia mouentur ad motum Paschatis , & sunt Septuagesima , Sexagesima , Quinquagesima , Quadragesima , quæ præcedunt Paschatis Festum ; Ascensio , Pentecostes , Festum Trinitatis & Corporis Christi , quæ sequuntur : de quibus egimus Tomo primo , & infra agemus in Proprio de Tempore .

6 Ad-

6 Aduentus autem non habet primum diem certum, sed eum diem Dominicum qui propinquior est Fefto sancti Andreæ, & loco citato explicauimus.

## De Calendario. CAP. V.

**C**Alendarium à Calendis dictum est. Calendæ verò primus dies mensis est, à *gatæw*, id est voco; tunc enim Pontifex calato, hoc est, vocato populo, quot dies à Calendis ad Nonas superefflent, pronuntiabat, *Plut.* Calendaria quoque dicebantur Tabulæ, ab obseruatione singulorum mensium, ut Diaria, à singulorum dierum ratione. Et nos in singulis mensibus obseruamus Festa

Christi Domini nostri, & Sanctorum. Durandus lib. 8. cap. 4. explicat Calendas, quasi colendas; quia tunc erat semper Iunoni festus dies primus: ergo Calendarium & Colendarium erunt ferè idem, à cultu Festorum dierum. Matriculam Sanctorum vocat Radulph. Propos. 17.

2 De Festis in Calendario descriptis, quando & quo ritu fuerint descripta, in Proprio de Tempore & in Proprio Sanctorum singillatim enarrabimus.

3 Ex prædictis autem Compuo & Calendario composuimus ordinem Officij diuini perpetuum, & quam breuissimum, quem in calce huius Operis, dante Deo, dabimus pleniorem & emendatiorem.

## SECTIO TERTIA.

## De Rubricis.



GGREDIMVR nunc eam prouinciam, quæ propriè nostra est, explicandi nimirum sacras Leges & Rubricas Breuiarij: de quibus priùs in genere, deinde in specie, ordine seruato eiusdem Breuiarij, erit agendum.

## SECTIONIS TERTIÆ CAP. XII.

- 1 De Rubricis generalibus Horarum Canonicarum.
- 2 De Duplice Officio.
- 3 De Semiduplice.
- 4 De Simplici.
- 5 De Dominica.
- 6 De Feria.

- 7 De Vigilia.
- 8 De Octana.
- 9 De Concurrentia Officij.
- 10 De Occurrentia Officij, seu de Translatione Festorum.
- 11 De Commemorationibus.
- 12 De Patrono loci, & Titulo Ecclesie.

C 2 De